

Organizovana je bila i zajednička večera u hotel Evropi za učesnike i delegate Kongresa. Organizator se bio prevario u računici pa je naknadno tražio još po 10 n.d. za svaku večeru. A poslije večere, čule su se i ovakve:

"Ovo su organizatori uzimali još po hiljadarku, trebalo je kupiti ekstra nož da bi nekako uspjeli prerezati šniclu"!

A jedan drugi učesnik pita jednog od organizatora:

- Gdje bre, nadjoste ove opanke za onolike šnicle?

Kafana u Demu milicije, bila je uvijek puna. Za jednim stolom čuo se razgovor:

- Od Oslobođenja sastajemo se 4 puta na kongresima, a na skupštinama - bog zna koji puta - ali od svega, ni kad ništa, naravno ako isključimo ove razgovore u kafani".

#### NOVE KNJIGE

Tomo Begenišić, Viša matematika I i II dio

I dio, teorija sa riješenim zadacima  
II dio, zadaci za vježbu sa rezultatima

Izdanje: Zavod za izdavanje udžbenika - Sarajevo, 1968.god.

Cijena: 60 dinara. Knjigu možete nabaviti u knjižari "Veselin Masleša" Sarajevo, Maršala Tita 52.

#### IN MEMORIAM SMILJANIĆ LJUBOMIRU

Dana 7.jula 1968.godine u Bijaću je umro Smiljanić Đurdja Ljubomir, geometar. Ta vijest je zaista neugodno iznenadila sve njegove prijatelje i poznanike, a pogotovo one koji ga zadnjih godina nisu vidjeli. Naime, pokojni Ljubo je sve do nazad 2 godine bio zdrav i uzorne fizičke kondicije. Međutim, neizlječiva bolest ga je uhvatila nekako u 1966.godini, te je poréd svih nastojanja zdravstvenih radnika istoj podlegao.

Ljubomir Smiljanić je rođen 29.9.1911.godine u Bos.Petrovcu, a STS - geodetski odsjek završio je u Beogradu 1933.godine.